

新聞出版改革發展項目庫（項目號：90201215801）

財政部文化產業發展專項資金重點資助項目

天一閣藏古籍珍本數字出版工程

龔延明 主編

天一閣藏

明代科舉錄選刊

鄉試錄（四）

順天府鄉試錄序

聖天子宣明義正化天下成文明

之治已閱十五

上下交孚明德光

日月星辰燦乎天而天之文

以著百穀草木稟乎土而地

新聞出版改革發展項目庫（項目號：0020121580）
財政部文化產業發展專項資金重點資助項目
天一閣藏古籍珍本數字出版工程

龔延明 主編

天一閣藏

明代科舉錄選刊

鄉試錄（四）

寧波出版社

本册目錄

嘉靖二十八年山西鄉試錄	2731
嘉靖三十一年山西鄉試錄	2764
嘉靖三十四年山西鄉試錄	2797
嘉請四十三年山西鄉試錄	2836
隆慶元年山西鄉試錄	2872
隆慶四年山西鄉試錄	2902
萬曆元年山西鄉試錄	2937
萬曆四年山西鄉試錄	2963
萬曆七年山西鄉試錄	2999
萬曆十年山西鄉試錄	3034
成化二十二年鄉試錄	3068
弘治八年河南鄉試錄	3094
弘治十一年河南鄉試錄	3121
弘治十四年河南鄉試錄	3152
正德二年丁卯科河南鄉試錄	3183
正德八年河南鄉試錄	3215
正德十四年河南鄉試錄	3245
嘉靖元年河南鄉試錄	3275
嘉靖七年河南鄉試錄	3304
嘉靖十三年河南鄉試錄	3334

嘉靖十六年河南鄉試錄	3359
嘉靖十九年河南鄉試錄	3380
嘉靖二十二年河南鄉試錄	3415
嘉靖二十五年河南鄉試錄	3447
嘉靖二十八年河南鄉試錄	3483
嘉靖三十一年河南鄉試錄	3519
嘉靖三十四年河南鄉試錄	3551
嘉靖三十七年河南鄉試錄	3587

嘉靖二十八年山西鄉試錄

山西鄉試錄序

嘉靖二十有八年天下復當鄉試之期巡按監察御史黃洪毗飭憲炳文範身而明約束罔弗祇慎寔維監臨廷俊及教諭朱安道謬膺考試官教授蔡節錢淵教諭姜周明善黃燾李文蔚膺同考試官試事既成亦既錄矣於戲爾二三子今日斯其學之成乎夫士須學也記曰興於詩立於禮成於樂成斯士也是故歌鹿鳴而賓興之所以昭其成而要之始進者也匪直擊鐘考鼓律倡而呂和爲觀聽之美已也於戲爾二三子其慎斯往哉夫樂之義大矣志學相成道器一貫故達其本者可以觀氣可以審象可以洞聲可以諳音可以考成是故吹律聽鐘周武知捷乎牧野精矣假之物也聽角審音師曠決競於楚風精矣待諸外也夫人物之靈士人之秀也樂和之與文樂之章也二三子言以成文而文不足以觀志是物之擷焉已耳窈焉已耳奚其成凡音之起由人心生也舜命夔典樂曰詩言志歌永言聲依永律和聲八音克諧無相奪倫神人以和言非強世也諸土產唐虞之故墟服禮樂之遺化肆惟我朝二祖列聖以至今上道化浹洽金聲玉振以丕闡文教又溢深且遠涵育贊序條貫攸明宜其成文之音惻隱而慈溫良而寬大善養好施清越以長方廉而好義也執此以往將和其心與聲以宣鴻龐之化而鳴其盛君臣民事與物五者各得其音而無相陵慢焉則足以提身而光科目乃或琴瑟乖調埙篪靡合甚至投竿而舍我所好膠柱而不知變奏雅以飾曲之終工弗若矣奚其士嗟夫審聲以知音以知樂知政廷俊等固有慚於精妙神解者矣爾諸士自許謂何以和平進以愆懲終匪非士殆非夫矣於戲二三子其慎所以感之者哉是役也布政司左布政使韓威右布政使盧紳提調乎爾按察司按察使陶珪副使何城監試乎爾提學僉事鄭光溥前分巡冀北僉事尹綸遴選乎爾總督軍務前兵部尚書翁萬達今侍郎郭宗臯巡撫都御史今陞刑部右侍郎蘇祐巡撫大同前都御史今侍郎詹榮都御史李仁巡按直隸監察御史王楠巡鹽御史劉應熊皆風示丕振乎爾參政潘九齡劉璽參議張舜臣謝准副使楊守約魏尚綸王朝賢吳嶽僉事朱徵喬佑戴榷侯鉞行太僕寺卿楊時泰又皆贊成乎爾總理糧

儲戶部署郎中李楫主事崔峩總兵官沈俊署都指揮僉事周寶吳熹朱玉又皆瞻望乎爾於時巡撫都御史石遷高巡按御史陳九德奉命將代咸樂成乎爾爲朝廷得人慶焉夫省方以觀樂御史志也亦責也尤所欲告爾二三子者也爰推著之首簡以廣笙歌之意尚懋戒之哉

江西瑞州府上高縣儒學教諭鄭廷俊謹序

嘉靖二十八年山西鄉試

監臨官

巡按山西監察御史黃洪毗（協恭福建莆田縣人 戊戌進士）

提調官

山西等處承宣布政使司左布政使韓威（德隅直隸河間衛人 壬辰進士）

山西等處承宣布政使司右布政使盧紳（汝佩陝西咸寧縣人 癸未進士）

監試官

山西等處提刑按察司按察使陶珪（廷獻湖廣黃岡縣人 丙戌進士）

山西等處提刑按察司副使何城（叔防陝西綏德衛人 壬辰進士）

考試官

江西瑞州府上高縣儒學教諭鄭廷俊（章卿福建莆田縣人 癸卯貢士）

江西撫州府東鄉縣儒學教諭朱安道（仁夫浙江山陰縣人 癸卯貢士）

同考試官

直隸順德府儒學教授蔡節（介夫廣東順德縣人 壬午貢士）

福建建寧府儒學教授錢淵（子深直隸建平縣人 辛卯貢士）

浙江處州府麗水縣儒學教諭姜周（廷佐直隸太倉州人 丁酉貢士）

河南開封府鈞州新鄭縣儒學教諭明善（思誠湖廣麻城縣人 丙午貢士）

直隸鳳陽府壽州蒙城縣儒學教諭黃燾（子揚福建南平縣人 甲午貢士）

直隸揚州府高郵州寶應縣儒學教諭李文蔚（道潛雲南石屏州人 丙午貢士）

印卷官

山西等處承宣布政使司經歷司經歷吳拱辰（星甫湖廣武昌護衛軍籍 丙子貢士）

山西等處提刑按察司經歷司經歷黃甲（上卿山東沂水縣人 監生）

收掌試卷官

太原府知府張祉（子受河南固始縣人 戊戌進士）

平陽府知府張松（汝喬河南洛陽縣人 戊戌進士）

潞安府知府孫國（道甫直隸開州人 乙未進士）

受卷官

太原府推官鄭真（惟誠山東濟寧衛籍 丁未進士）

平陽府推官黃希周（宗魯山東滕縣人 甲辰進士）

汾州知州李當（任父河南嵩縣人 戊子貢士）

太原府岢嵐州知州李慧（汝哲山東平度州人 監生）

汾州平遙縣知縣馬快（汝礪直隸廣平縣人 甲辰進士）

潞安府潞城縣知縣王惟善（衷甫河南新蔡縣人 丁未進士）

彌封官

潞安府襄垣縣知縣王尚禮（敘夫陝西渭南縣人 丁未進士）

太原府榆次縣知縣朱熙載（慰勳山東平山衛籍 甲辰進士）

平陽府解州夏縣知縣岳粹（純甫山東冠縣人 丁未進士）

潞安府壺關縣知縣段錦（美中山東恩縣人 丁未進士）

潞安府長治縣知縣張嘉孚（以貞陝西安定縣人 丁未進士）

平陽府解州聞喜縣知縣郭東藩（鎮夫山東金鄉縣人 丁未進士）

謄錄官

太原府陽曲縣知縣陳瓚（敬夫直隸獻縣人 丁未進士）

平陽府曲沃縣知縣劉魯生（希孔山東恩縣人 丁未進士）

平陽府趙城縣知縣宋時（宗易河南鈞州人 甲午貢士）

太原府太谷縣知縣白世璧（德如陝西秦州衛人 甲午貢士）

平陽府解州安邑縣知縣吳大道（行父直隸任丘縣人 丁酉貢士）

平陽府絳州稷山縣知縣楊文卿（子質直隸鹽山縣人 辛卯貢士）

對讀官

太原府代州知州李良能（子純河南郊縣人 甲午貢士）

沁州知州劉承學（典于山東壽光縣人 辛卯貢士）

平陽府蒲州臨晉縣知縣李彘(子仁濟陽衛籍 丁未進士)
 平陽府蒲州榮河縣知縣楊灝(紹原河南汝陽縣人 丁酉貢士)
 太原府代州崞縣知縣吳府(季脩山東青州衛人 丁酉貢士)
 潞安府襄垣縣縣丞李郁(文甫四川安居縣人丁未進士)

巡綽官

太原右衛指揮僉事曰清(□夫雲南歸厚縣人)
 太原右衛指揮僉事林爵(守忠福建南平縣人)
 平陽衛指揮同知謝恩(君賜四川建昌府人)
 太原左衛中右所正千戶郝銘(新之直隸鳳陽府人)
 太原前衛左所正千戶楊鈺(朝重湖廣澧州人)

搜檢官

太原右衛指揮使鄭思恩(子榮儀州人)
 太原右衛指揮僉事王璋(君重直隸臨淮縣人)
 振武衛指揮僉事許昭訓(孝祖湖廣沔陽州人)
 潞州衛指揮僉事唐思恭(克讓直隸臨淮縣人)
 太原左衛後所武舉署正千戶譚纓(世□江西都昌縣人)

供給官

山西等處承宣布政使司照磨所檢校崔伸(引之山芋汶上縣人 監生)
 太原府同知張文行(宗教直隸饒陽縣人 乙酉貢士)
 太原府通判劉重藩(道輔直隸景州人 甲午貢士)
 太原府徐溝縣知縣邵鶴年(九臯直隸盧龍縣人 戊子貢士)
 平陽府臨汾縣知縣祁玳(朝重陝西狄道縣人 丁酉貢士)
 潞安府屯留縣知縣陳松(伯喬直隸定州衛官籍 戊子貢士)
 太原府照磨王卓(立夫陝西鎮番衛官籍 監生)
 平陽府絳州同知方弁(文中四川遂寧縣人 吏員)
 汾州判官高文學(希顏順天府寶坻縣人 監生)
 太原府岢嵐州判官彭橋(利夫陝西寶雞縣人 監生)
 太原前衛經歷李光代(文獻山東長山縣人 吏員)
 振武衛經歷楊遵(惟善河南光州人 吏員)
 平陽府霍州吏目張鑑(克明山東陽穀縣人 吏員)
 太原府文水縣縣丞張雲從(子龍陝西秦州人 監生)
 太原府壽陽縣主簿田仁(元善順天府密雲縣人 監生)

平陽府霍州靈石縣主簿王應招（際明直隸灤州人 監生）
太原府陽曲縣典史南紀（大綱陝西寧州人 吏員）
太原府徐溝縣典史張輝（晦之山東平原縣人 吏員）
太原府清源縣典史谷寬（德洪直隸隆慶州人 吏員）
太原府忻州定襄縣典史韓銳（退夫山東壽光縣人 吏員）
太原府陽曲縣臨汾驛驛丞賀文卿（朝縉湖廣澧州人 承差）
平陽府聞喜縣涑川聖聖丞吳克裕（汝仁陝西華陰縣人 承差）
平陽府曲沃縣侯馬驛驛丞盛華（子實廣西臨桂縣人 承差）

第一場

四書

能行五者於天下爲仁矣請問之曰恭寬信敏惠 自誠明謂之性自明
誠謂之教誠則明矣明則誠矣 江漢以濯之秋陽以暴之皜皜乎不可尚已

易

介于石不終日貞吉 恒亨無咎利貞利有攸往 生生之謂易 是故
變化云爲吉事有祥象事知器占事知來

書

予欲觀古人之象日月星辰山龍華蟲作會宗彝藻火粉米黼黻絺綉以
五采彰施于五色作服汝明 惟皇上帝降衷于下民若有恒性克綏厥猷惟
后 五者來備各以其叙庶草蕃廡 惟德惟義時乃大訓

詩

知子之來之雜佩以贈之知子之順之雜佩以問之知子之好之雜佩以
報之 大田多稼既種既戒既備乃事以我覃耜俶載南畝播厥百穀既庭且
碩曾孫是若 天子是若命使賦 載見辟王曰求厥章龍旂陽陽和鈴央央
僚革有鷁休有烈光

春秋

秋七月庚午宋公齊侯衛侯盟于瓦屋（隱公八年） 會宋公陳侯蔡
人衛人伐鄭（隱公四年） 邾人鄭人伐宋（隱公五年） 夏公會齊侯宋公
陳侯衛侯曹伯伐鄭圍新城（僖公六年） 春齊侯伐宋圍緡（僖公二十三
年） 甲午晦晉侯及楚子鄭伯戰于鄆陵楚子鄭師敗績（成公十有六年）
夏楚子鄭伯伐宋宋魚石復入于彭城（成公十有八年） 仲孫蔑會晉欒黶

宋華元衛寧殖曹人莒人邾人滕人薛人圍宋彭城夏晉韓厥帥師伐鄭仲孫蔑會齊崔杼曹人邾人杞人次于鄆秋楚公子壬夫帥師侵宋(俱襄公元年)

叔孫州仇帥師墮郈季孫斯仲孫何忌帥師墮費十有二月公圍成公至自圍成(俱定公十有二年)

禮記

天子賜諸侯樂則以祝將之賜伯子男樂則以鼗將之 五行之動迭相竭也五行四時十二月還相爲本也五聲六律十二管還相爲宮也五味六和十二食還相爲質也五色六章十二衣還相爲質也 廉直勁正莊誠之音作而民肅敬 仁者天下之表也義者天下之制也報者天下之利也

第二場

論

學者必識聖賢之體

詔誥表(內科一道)

擬漢過魯以太牢祀孔子詔(高帝十二年) 擬唐加左僕射房玄齡太子少師誥(貞觀十三年) 擬宋宴貢士於迎春苑謝表(太平興國三年)

判語(五條)

磨勘卷宗 荒蕪田地 禁止迎送 聽訟迴避 帶造段匹

第三場

策(五道)

問 易曰觀乎天文以察時變觀乎人文以化成天下孔子稱堯曰煥乎其文章文固君人者不廢也古之哲后明王每注思焉如畫八卦演九疇解愠之詩盤銘之詞几杖之戒儀鳳之作昭回于天矣先儒乃謂帝王之學不在文藝何歟若大風以猛士興歌秋風以佳人發咏登臺以除凶自寓繪圖以無逸省躬贊孔顏何見於道真吟籍田何裨於勸課箴元良何矯於登封記損齋何至於忍耻果經綸之迹言行之合乎外至伴侶新聲斷烟平蕪則藝焉而已人文化成之意不如是也洪惟我太祖高皇帝端崇理本明燭化機天才峻發藻思富逸故其揮洒成文率皆天地之精采當時侍從之臣有稱其雄深宏偉言近而指遠者有稱其天光昭回赫著簡素真所謂天之文者有稱其親染奎翰意無停機一揮而數千百言群臣環視莫不聳服者其所製之文亦可得指其

一二歟抑可因詞而究其歸歟逮我皇上默契聖學統一道真書之三要有釋傳之五箴有注敬一一箴獨溯心學之源又等義畫堯文而上之矣諸士子久沾棫樸之化今復以文進願鋪張鴻休而鳴其盛焉

問 古者因事設官量能授職自伏羲氏以來未之有易也然名官之制或以龍以水以火以雲以鳥以民何據而然與或名以五行或分爲九官或爲三公三孤六官或爲三公九卿或爲三省九寺或爲二府臺諫何繁簡之不齊與其諸所職守可得聞與或又謂陶唐氏以前之官所治者天事也虞夏以后之官所治者民事也不知治天事者何以遺民治民事者何又遺天然與否與我朝稽古定制其建官皆法乎周官而損益之具載於諸司職掌者可考也或謂中間多所更定或謂多所變易或謂悉復其舊或謂隨時損益可得聞與不知所職掌者果皆同於古昔抑其事有輕重之不同與諸士子涵濡聖化與聞久矣行將服有職掌願詳言之以彰國家典章之盛

問 學猶殖也惰而落焉勤而精焉日出日中秉燭之喻以時而异趨浸潤水釋理順之幾以悟而俱化信斯言也進於聖人不難矣懷鉛夜寢同於引壁之光抗疏定禮勳有淺深乎采薪挾經同於春秋之好不教自課意有異同乎多閱好忘固當取裁於理盡卷不錯江淮所以立忠也氣味蹊徑固在潛密於功專精不營君厚所以通儒也癖左氏則平吳矣帶耕鉏則立相矣奚不求甚解者所造反優耶重五十而不窮矣重八九而稱勝矣奚不知祁招者所寶反在耶陟峻遠巡改其迤邐之步入路住宅誰同百世之方諸生求端於下帷有司縣衡於品藻焉

問 以人事君臣之上也不比不黨昔人稱之荆伯柳上黨矣子羔西河矣引弓迎射子其去矣無愧於解孤之舉哉然公由於己私即湔也哲懸於秉鑒多昏也觀前載則又易易然者子師千里二童二賢不詣仲弓不宿奉高卒不越其裁量故僑札之分自有神乎管鮑之知若同天啓因小而揣巨任分麋鹿耿主廩給其陳孺子之宰乎定交而因親刺則漫滅劍則干將亦汝南俗之評乎四奇有四難之忌四短有四安之報建功之路不一修辭之柄多浮欲使青白不眩真贗罔伏夫子慨於澹臺孔明誤於馬謖其可無懲哉張輔優劣名士孔融昌論汝穎匪以徇聲乃皆洞燭諸士平居雌黃編簡異日秤量天下請問達觀之法以助主司之明

問 三晉古冀州地也環以龍門太行紀以大河汾沁風氣所萃靈秀所鍾自古聖賢應運疊出遐哉邈矣平陽蒲坂堯舜所都精一執中之傳固本原之地也士生其間豈無邃於理學者乎即如王通氏講道河汾銳志希聖明德

新民之學寔拳拳矣何次理學者自孟子之後即繼以周程張朱而通不與焉不知通於四子果無可頡頏者歟至於我朝道化浹洽人文彬彬雖童弁亦能談濂洛之學究其成就多寡反出宋儒之下何也百餘年來論理學者惟重薛瑄氏今觀其讀書從政二錄真有與四子相發明者不知其躬行實踐爲衆論所歸者亦有與四子相後先者乎茲欲議以王通薛瑄從祀於廟庭果可以定衆論乎夫胡元閏位猶有實行之儒董韓績文尚崇俎豆之列遺薛子似尤非矣或謂注周禮者續大事記者預集尚書會選者著四書五經私抄者皆以道鳴也與文清可同祀乎抑獨有所推尊乎諸士尚友天下况其鄉人也悉所聞而評之

中式舉人六十五名

- | | | | |
|------|-----|---------|----|
| 第一名 | 王崇雅 | 蒲州學附學生 | 書 |
| 第二名 | 張四維 | 蒲州學生 | 易 |
| 第三名 | 吳國詔 | 代州學增廣生 | 詩 |
| 第四名 | 金商質 | 平陽府學生 | 春秋 |
| 第五名 | 郭志仁 | 澤州學生 | 禮記 |
| 第六名 | 劉有誠 | 石州學增廣生 | 易 |
| 第七名 | 張三宅 | 孟縣學生 | 書 |
| 第八名 | 張曰庠 | 代州學生 | 詩 |
| 第九名 | 王道行 | 太原府學附學生 | 易 |
| 第十名 | 武道脩 | 介休縣學生 | 春秋 |
| 第十一名 | 桂廷輔 | 榆次縣學生 | 詩 |
| 第十二名 | 嚴三省 | 文水縣學生 | 易 |
| 第十三名 | 楊元義 | 交城縣學生 | 書 |
| 第十四名 | 趙可化 | 榆次縣學增廣生 | 詩 |
| 第十五名 | 馮舜漁 | 蒲州學附學生 | 禮記 |
| 第十六名 | 楊希哲 | 忻州學生 | 詩 |
| 第十七名 | 馮珎 | 蒲州學附學生 | 易 |
| 第十八名 | 趙翰 | 解州學附學生 | 書 |
| 第十九名 | 劉汝登 | 蒲州學附學生 | 詩 |
| 第二十名 | 張肆 | 石州學生 | 易 |

- 第二十一名 楊天賜 襄垣縣學生 春秋
第二十二名 張洪源 清源縣學生 詩
第二十三名 郭士髦 壺關縣學增廣生 詩
第二十四名 周宗懿 忻州學增廣生 書
第二十五名 史永壽 翼城縣學生 易
第二十六名 張欵 石州學附學生 易
第二十七名 介一清 解州學生 詩
第二十八名 李從高 沁水縣學生 詩
第二十九名 郝士孝 平定州學增廣生 春秋
第三十名 史篆 解州學生 書
第三十一名 張守中 聞喜縣學生 禮記
第三十二名 栗繼祖 潞安府學生 詩
第三十三名 梁天叙 石州學生 易
第三十四名 加傳 稷山縣學附學生 詩
第三十五名 李邦道 解州學生 書
第三十六名 栗魁周 陽城縣學生 易
第三十七名 張朝進 汾州學生 詩
第三十八名 徐節 平陽府學附學生 詩
第三十九名 劉恩榮 遼州學生 春秋
第四十名 林遇春 曲沃縣學生 書
第四十一名 李養性 屯留縣學增廣生 詩
第四十二名 劉鳳朝 夏縣學生 易
第四十三名 馬滢 蔚州學生 詩
第四十四名 王三聘 長子縣學生 書
第四十五名 郝元傑 汾州學生 詩
第四十六名 薛東海 石州學附學生 易
第四十七名 張大芳 太原府學生 詩
第四十八名 杜鶴 蒲州學附學生 禮記
第四十九名 侯封 孟縣學生 書
第五十名 霍希夔 應州學生 易
第五十一名 霍峰 平定州學生 詩
第五十二名 史官 翼城縣學生 易

- 第五十三名 李紹先 孟縣學生 書
 第五十四名 梁元吉 高平縣學增廣生 易
 第五十五名 衛鈞 臨晉縣學生 詩
 第五十六名 陳策 沁水縣學生 書
 第五十七名 崔汝孝 平陸縣學生 書
 第五十八名 李斐 高平縣學生 春秋
 第五十九名 賀貢 壺關縣學生 詩
 第六十名 趙思聰 樂平縣學生 書
 第六十一名 李時芳 孟縣學增廣生 書
 第六十二名 鍾湛靈 澤州學附學生 禮記
 第六十三名 龐賢 寧鄉縣學生 易
 第六十四名 梁紀 稷山縣學生 易
 第六十五名 惠及民 蒲州學增廣生 書

第一場

四書

能行五者於天下爲仁矣請問之曰恭寬信敏惠

王崇雅

同考試官教諭明批(認理之文氣象自別仁至難言是可式矣)

考試官教諭朱批(詞不尚浮綽有天趣)

考試官教諭鄭批(若觀授受孔門者)

聖人示賢者所以爲仁因其問而實之焉夫仁之難成久矣非全體而不息者不能也既明其幾而復列其目賢者可不勉乎子張問仁於夫子夫子告之意豈不曰無內無外乃天德之精純可大可久則求仁之體要蓋仁統天下之善也局於一則行而未成矣仁體事而無不在也有所問則成而亦息矣能知理因事而异用行是五者隋所感以善其應不懈夫率履之功情因地而易遷行於天下隨所寓以堅其操不阻夫半途之廢是可以爲仁矣其爲器重故不器者舉之耳其爲道遠故致遠者兼之耳子張則知夫子至教固寓夫不發之幾憤悱既通於是其繼志之問夫子乃悉數而終之曰恭寬信敏惠禮不可以去身恭則整齊嚴肅撝其謙矣量不可以絕物寬則含弘光大昭其度矣信不由衷僞斯載焉無妄而往可也不務時敏疑斯蓄焉剛健而應可也屯膏未

光施斯匱焉德愛而充周焉可也是五者體立則天下仰之用行則天下應之故所當行於天下者也吁始曰五者徒陳其數聖人有隱乎善待問者也繼於五者乃終其物聖人有加乎善答問者也惜子張之學竟限於日月至焉之徒夫子之憂莫解其難并爲仁之失此固分量之限而傳道之難也雖然道原於一散歸於宗仁人心也恭寬信敏惠不過存其一心以復其一理耳然寬惠者多不足於敏恭信者多不足於惠敏決者多不足於寬故合并乃爲仁

自誠明謂之性自明誠謂之教誠則明矣明則誠矣

張四維

同考試官教諭李批（中庸奧旨發揮殆盡蓋實用其功而明生焉）

同考試官教諭姜批（不事牽合不煩繩削而聖賢之蘊躍如）

考試官教諭朱批（說理文字迴脫言詮）

考試官教諭鄭批（以心得而成章故錄之）

大賢於天人之道辨其異而歸之同也夫天人之不同者道也及其成功則一焉未至於至誠者可不勉乎子思子意豈不曰聖人之生也不數斯道之寄者常存故生知之質可不自諉於難齊而至命之功則實有序而可造耳彼自誠而明者一理內蘊精粹無貳而道之散殊莫不燭焉是謂之性也蓋人性之中本無一物之或雜亦無一物之弗照適得吾體固天與之無妄耳性分之外其容有加乎自明而誠者因物察則循序致詳而誠之功用亦允蹈焉是謂之教也蓋聞教之後觸其類而去蔽閑其邪而存誠不失吾常固下學之善反耳修道之教其功有歸乎然自其等而較之似不可以強同要其至而言之亦曷嘗有終異哉自誠而明者明非待於強探也有主而虛隨在各足本體之既純睿知之自出也其得之非思其中之非勉中孚涵常覺之妙誠立有明通之幾固其理之不可誣者矣自明而誠者誠非遂至於懸絕也深造而得不遠而復既真知夫善而不淆者必實用其力而不懈也擇善以致其精固執以全其一是知幾爲入德之本而知止實能得之基亦其理之所必至者矣吁性原於天君子有弗性焉教由於人君子懼弗習焉此困知勉行聽以可聖而愚明柔強由於此道也子思之言其釋前章夫子之意乎噫信斯言也則至誠易矣奚不多見於天下也化物之情昏於感應百倍之力病於因循故子思作中庸以憂道學也奈厭往來之朋從遂有反鑒之索則岐誠明而卒二之學者味定性之書然後中庸有從入焉

江漢以濯之秋陽以暴之皜皜乎不可尚已

金商質

考試官教諭朱批(發曾子之意殆盡)

考試官教諭鄭批(典重清新)

大賢象聖人之道德極盛而不可加也蓋聖之盛者難乎其為繼也大賢極言以形容之其尊師也不亦至乎此曾子之言而孟子述之所以責陳相也意謂子夏子游子張疆曾子以事有若為其似夫子也曾子既不以為可矣復贊之曰子之所謂不可者非有他也以孔子非有若之可擬也試言之水之積也不厚吾未與其潔也江漢則水之會焉濯萬物者莫潔乎此矣夫子之道德齋戒以洗其心一疵其不存乎陽之氣也猶微物未見其化也秋陽則氣之烈焉燥萬物者莫燥乎此矣夫子之道德高朗以成其象萬理其明淨乎濯以江漢濯之潔也真性湛而物累忘暴以秋陽暴之白也陽明勝而陰濁微全體之兼該有得乎上律下襲之妙大用之顯著自神其經天緯地之文世雖有反濁求清者不過餘波之及耳淵源之盛則探而莫測矣世雖有昭德塞違者不過容光之被耳離明之體則仰而彌高矣自生民以來未有能盛雖後聖有作亦莫之與京豈可得而尚乎哉雖然擬而非倫者門人矣尚有遺愛焉不忘其師者也知足以知者曾子矣尊無二尚焉不倍其師者也彼陳良之為師而陳相之為徒何其異於曾子乎抑至聖難知賢人易識此門人之見所以眩耳子禽賢子貢西河疑子夏固不徒有若之似己也夫子之道亘古今莫尚焉乃知曾子所以不可也雖然以夫子即有若則不可學夫子而不先之以有若又不可盡希賢則聖有序當循也噫有若不可見矣後世羨千頃於叔度贊光齋於茂叔其亦聖人之遺乎

易

恒亨無咎利貞利有攸往

劉有誠

同考試官教諭姜批(此篇場中士子類能言之但於恒亨無咎處便涉用上講至利貞利往處多重疊相悖殊失明體適用之序獨此作從義理上發揮體認明白深為有見宜錄以為式)

同考試官教諭李批(此題上句重恒字下句重貞字注中道字且泛言至利貞方歸重於道此作下字精確殆邃於易者)

考試官教諭朱批(說理之文典實可佳)

考試官教諭鄭批(得旨)